

Ai Rang Mai Sivai

Ai Rang And Tiger



Wa, Parauk

Ai Rang Mai Sivai

Ai Rang And Tiger

Cao tiem lih : Yex Ka Lin

Cao Pawd Riieng : Yex Ka Lin

Lox Lai Shiao : Lai Vax

Bawg Plih Lih : Bawg ra

Khix Num : 5 / 2011

Author : Yex Ka Lin

Illustrator : Yex Ka Lin

Original Language : Wa

Edition : Second

Date : May / 2011

Wa, Parauk

Myanmar

Copyright © 2021, Literature Department Of WBC, SIL

For permission to reuse, contact the copyright holder.



Koe kawn nyawm pa kaux Ai Rang, nawh hu klieh daux tiag mai paox grawm nawh sivai ku ngaix heue. Ai Rang kied moh ka sivai, viang mawh nan sivai yuh paox pie mai Ai Rang son sang yie ti teei ih kawn moi daux yaong heue.



Mawh kheu nan pui yaong mai miex keeing nawh, ang cu Ai Rang yuh paox pie mai sivai. Nawh ang nghiiet lox kix. Tix ngaix sivai ah nin, "Ai Rang viex aux hu mai maix daux yaong pex liak." Ai Rang dee ah nin, "Ang chix kheu pui yaong koeng ka maix." Sivai ah "Maix ang viex aux hu kawx chix, aux hu nong nong." Ai Rang ah, "Khiox khaw ka maix paw hu liak." Sivai ang nghiiet lox Ai Rang mai lailing praok yaong yam faik bhoi praix heue. Ai Rang khi rhawm mai hu krai sivai mhong ang cu nawh laig daux yaong kheu pui yaong sau kie son nawh heue. Sivai ang nghiiet lox tieb tie Ai Rang heue.




Yam faik praix sivai laig daux yaong mai krix kadaux kie heue. Kheu mhong kix lox riag sivai pui yaong hu jhak mai ah nin ka paox tix, "Ex grham nawh cai rhawm yum daux kie." Hoek yam pon ngawb Ai Rang hu paoh kie ploi sivai lih heue. Sivai ah, "Kheu ploi maix aux ting buanson. Viang mawh nan aux sang ih maix kheu cairhawm aux." Ai Rang ah, "Aux mawh cao taoh ju maix, maix ang keung tix ih aux." Ai Rang khiox khaw ka sivai mai viex kiex hu sawg cao prawng see heue.



Yam bleeh keix ka numkluh (ngu khaox), prawng see kiex ah, “Kawn pui hoek laux tix greem veei aux mai kix caik lhax aux mai pawt kak aux heue. Pui ang koe buanson son ex. Kheu nan, maix sivai pon tix ih Ai Rang.” Sivai ah nin ka Ai Rang, “ Aux sang ih maix heue.”



Ai Rang khiox khaw ka sivai mai kieh kiex hu ka cao prawng see, pa mawh si-ang kaing krak heue. Si-ang kaing krak prawng see kiex ah nin, "Yam awn ju aux kawn pui cau aux yuh kaing. Yam riex ju aux kix pah aux yum mai ih nex aux. Kawn pui ang koe buanson son ex heue. Kheu nan maix sivai pon ti ih Ai Rang heue." Sivai ah, "Aux sang ih maix heue."



Ai Rang ah, "Khiox khaw ka maix, bawg ghoik ax baux hu ka petla kieh nawh prawng see ax liak." Sivai ah, "In mawh bawg ghoik awx. Aux sang ih maix khaix." Yam bleeh kiex ka petla kiex krai grawng thung thiang kiex paox tix heue.



Mawh kheu nan petla ah, "Pax viex aux hu dee koe kie chix lie?" Kiex khawm ra ah tau "Chix heue." Yam bleeh kix dee koe kie petla chawk ka sivai ah nin, "Ka ang Ai Rang nyang taoh maix, maix ot dee mawx?" Sivai ah, "Aux ot daux kie heue." Petla ah, "Yuh buanson maix ot aux yaox daux kie liak." Khaix hoik laig sivai daux kie petla ah, "Ai Rang maix nyeep kie heue."



Khaix hoik nyeeep Ai Rang kie petla ah,
"Aux hoik prawng see son pax heue." Ai Rang
ah lox ting buanson ka petal. Khaix hoik lih hu
petla Ai Rang kawx ing ka nyiex nawh heue.
Awm an ex kawn pui kawx pa ang ex keung tix
yuh paox pie mai paw yuh awm Ai Rang awx.
Ex chix yaox krax sivix kah heue. Mai paw kieh
ex mawh pui pa ang tawng buanson awm sivai
awx.

